

中華文史叢書之四十一
清、光緒廿四年刊本影印
王有立主編

據國立台灣大學
圖書館藏本影印

光緒二十四年 中外大事彙記 (一)

倚劍生撰

台灣華文書局印行

光緒三十四年
中外市集圖記

現行軍制四十二人為一即二千五百廿六人才三排為一連即九千零七十二人四連為一營即二萬七千二百十六人三營為一團三團為一旅二旅為一師三師為一軍

中外大事彙記序

戊戌春倚劍生創辦廣智於羊垣以編輯之任屬余歲事將闌迺取所刊錄各報補輯完備釐訂其體爲類十有四爲卷二十有九統一百二十餘萬言名曰中外大事彙記書成乃作而言曰中國至今羸弱極矣自四月以來今

上銳意改圖新

詔絡繹環球各國交

頌中興不圖數月之間風雲瞬息咫尺聞之士方將挾私見以窺測

朝廷絕口不言當世事

顧自此一變激力愈甚漲力愈生將來維新大業實即萌芽於此海內士夫豈無志乎興亞歐通才究心時局莫不月有紀日有作褒然盈軸冀餉學者第彼所著譯多隔年載全球大局昕夕百變執昔律今終病膠柱然則欲求今日之務非於今日之報無取焉隨手散軼良用珍惋必當彙其要而存之是書之輯又曷可少哉夫各國人才皆興於學千端萬緒此焉彙鑄大學術第一變通興盛政俗不俾披尋遺軼洞悉源流次掌故第二中國之弊官冗俸薄列爲表志俾資參酌次官常第三中國交涉向昧要領今益棘手授人以柄次交涉弟四東西各國挾兵爭雄師長舍短守衛要衝次兵防第五開墾爲經水利爲緯土宜種植尤資機器次農事第六華商爭利力薄志分挽回利權是在能羣次商業第七商善營運工精製造互爲依倚生財大道次工藝第八五洲島國均以礦富成法具在良足慨慕次礦產弟

九歷算之學古疏今密中西互根西較徵實次歷算第十格致編亡實學荊榛西法東漸時乃日新次格致第十一中西醫學同此養生王道霸功俗說可嘖次醫理第十二若夫權起衰救敗之宜攷得失是非之數組織精偉發爲文章固足風示當途激揚志氣而其中之奇談異說與一切可驚可愕之事亦未嘗不足以增長見聞以故選集論說新聞次於卷之首末是書體例於焉告備而其大旨所在則以開我民智增我國力爲主義願與並世同志一證斯言當不以八月之變因噎廢食遂並富強實學而不講也嗚呼南皮勸學篇稱中國尙幼稚孱弱未及丁壯然則及其壯也又安在其不可自強哉是書竊爲自強者之先導也云

爾

光緒二十四年歲在戊戌臘月熱腸冷眼人撰

光緒二十四年正月初六日奉

上諭總理各國事務衙門會同禮部奏遵議貴州學政嚴修請設專科一摺據稱該學政原奏分別酌擬一爲歲舉一爲特科先行特科次行歲舉特科約以六事一曰內政凡考求方輿險要郡國利病民情風俗者隸之二曰外交凡考求各國政事條約公法律例章程者隸之三曰理財凡考求稅則礦產農功商務者隸之四曰經武凡考求行軍布陣管駕測量者隸之五曰格物凡考求中外算學聲光化電者隸之六曰考工凡考求名物象數製造工程者隸之由三品以上京官及督撫學政各舉所知無論已仕未仕註明其人何所專長咨送總理衙門會同禮部奏請在保和殿試以策論簡派閱卷大臣嚴定去留詳擬等第覆試後帶領引見聽候擢用此爲經濟特科以後或十年一舉或二十年一舉候旨遵行不爲常例歲舉則每屆鄉試年分由各省學政調取新增算學藝學各書院學堂高等生監錄送鄉試分場專考首次場試時務題三場仍試四書文中式各名曰經濟科貢士亦一體覆試殿試朝考等語國家造就人才但期有裨實用本可一徇一格該衙門所議特科歲舉兩途洵足以開風氣而廣登進著照所議准行其詳細章程仍著該衙門會同禮部妥議具奏現在時事多艱需才孔亟自降旨

以後該大臣等如有平素所深悉者出具切實考語陸續咨送不得瞻徇情面徒採虛聲俟所保人員彙齊至百人以上即可奏請定期舉行特科以資觀感至歲舉既定年限各該督撫學政務將新增算學藝學各書院學堂切實經理隨時督飭院長教習認真訓迪精益求精該生監等亦常思經濟一科與制藝取士并重爭自濯磨力求上進用副朝廷旁求俊秀至意將此通諭知之欽此

廿五日內閣抄奉

上諭內閣侍讀學士榮慶奏請飭培養入旗人才認真考試一摺各衙門司員分理庶政旗員即須考試漢員何獨不然當茲時事多艱欲求幹濟之才自不在記誦詞章之末惟講求時務明習例案亦須具有學識始克疏通證明嗣後各衙門滿漢司員著各該堂官自行釐定章程無論何項出身一體面加考試並認真訓飭務使究心實學勉爲有用之才以備朝廷器使將此通諭知之欽此○同日奉 上諭御史王鵬運奏請開辦京師大學堂等語京師大學堂迭經臣工奏請准其建立現在亟須開辦其詳細章程著軍機大臣會同總理各國事務衙門王大臣妥籌具奏欽此

廿六日奉

上諭胡燏棻奏酌改武科章程請於各省府廳州縣分設學堂教習等語著軍機大臣會同兵部歸入榮祿等前奏內一併議奏欽此○同日奉 上諭胡燏棻奏請就各省現有兵餉精練陸軍一摺方今時局艱難自以練兵爲第一要義各省防練各營近來積習如兵額尅扣攤派等弊不勝枚舉若不嚴行禁革訓練必不能精營務安有起色至操演之法不宜拘守成格應如何變通盡善之處著軍機大臣會同督辦軍務王大臣妥議具奏另片奏神機營改用新式槍砲各節著一併議奏欽此

三十日奉

上諭裁兵節餉等事爲今日萬不可緩之圖迭經諄諭各省將軍督撫認真籌辦不准藉詞搪塞連日據魏光燾張汝梅王文韶先後奏到朕詳加批閱無非滯陳該督撫辦事艱難籲懇稍寬時日或竟稱裁無可裁減無可減或小有刪除仍寥寥無幾其餘各營之廢弛缺額未置一詞似此敷衍塞責任意遷延何日始能見諸實政朕宵旰焦勞臨朝太息苟非萬不得已豈肯裁及佳兵無如時勢所迫不得不先其所急安能以有著之餉養無用之兵徒使不肖營員卒濫其中尅扣侵吞習成慣技督撫瞻徇情面亦復代爲支飾置國家大局于不顧實堪痛恨疆臣受恩深重手縮軍符于分內應辦之事更

若方不... 之甚矣自此大申諭之後該將軍督撫等各激發天良悉心籌畫... 撤及一切經費如何節省逐一確切查明迅速辦理但能省一分無著之餉即可添一分有用之兵務竭忱忱朕言不再倘或意存遷就于可裁之兵可節之餉仍有不實不盡一經查出朕必治以抗違之罪勿謂尺籍相符難云綜核外間積弊更不能知也將此通諭知之欽此

二月十五日奉

上諭上月三十日曾經剴切曉諭各直省將軍督撫將裁兵節餉等事迅速辦理連日復據依克唐阿劉樹堂恭壽先後奏到各辦法著再行通諭各將軍督撫凜遵迭次諭旨即將此事趕緊籌辦迅速覆奏以慰屬系欽此

三月初四日奉

上諭剛毅奏各省常平社倉久同虛設民間義倉必應勸辦每處每年積數千石三年數逾萬石雖遇奇荒小民不至失所等語各省積穀爲備荒要政既據該尚書詳陳辦法必應實力舉行著各督撫嚴飭所屬勸諭紳民廣爲勸辦不得以一奏塞責欽此○同日

奉 上諭剛毅奏請裁冗員薪水各局雜支等語各省設立辦公局所多立名目任意開銷迭經諭令認真裁撤乃相沿不知振作著各督撫責成藩臬兩司將現有各局運行裁撤應辦各事歸併藩臬兩司辦理以節糜費毋得濫支欽此○同日奉 上諭剛毅奏請飭各省舉行保甲嚴裁空糧等語各省保甲原爲弭盜而設特奉行日久不免虛應故事至勇營空糧實爲近來惡習既據該尙書歷陳弊端更應實力稽查嚴行整頓著各督撫一面飭屬嚴辦保甲聯絡漁團一面將各營勇認真整頓不得視爲具文欽此

四月廿三日內閣抄奉

上諭數年以來中外臣工講求時務多主變法自強邇者詔書數下如開特科裁冗兵改武科制度立大小學堂皆經再三審度籌之至熟始定議施行惟是風氣尙未大開論說莫衷一是或狂於老成憂國以爲舊章必應墨守新法必常損除衆喙曉曉空言無補至今日時局如此國勢如此若仍以不練之兵有限之餉士無實學工無良師強弱相形貧富懸絕豈真能制挺以撻堅甲利兵乎朕惟國是不定則號令不行極其流弊必至門戶紛爭互相水火徒蹈宋明積習於時政毫無裨益即以中國大經大法而論五

帝三王不相沿襲譬之冬裘夏葛勢不兩存用是明白宣示爾中外大小諸臣自王公以及士庶各宜努力向上發憤爲雄佩聖賢義理之學探其根本又須博採西學之切於時務者實力講求以救空疏迂謬之弊專心致志精益求精毋徒襲其皮毛勝其慧說始可化無用爲有用以成通權濟變之才京師大學堂爲各行省之倡尤應首先課學着軍機大臣總理各國事務王大臣會同妥速議奏所有翰林院編修各部院司員鑾儀侍衛候補候選道府州縣以下各官大員子弟八旗世職各員武職後裔其願入學堂者均准入學肄習以期人才輩出宏濟時艱不得敷衍因循徘徊援引致負朝廷諄諄告誡之至意將此通諭知之欽此○同日奉 上諭敦睦各國交道使才爲當務之急着各直省督撫以平日所知品學端正通達時務不染習氣者不論官職大小酌保數員交總理各國事務衙門考驗帶領引見以備朝廷任使欽此

二十四日奉

上諭總理各國事務衙門奏遵議侍郎榮惠奏請特設商務大臣及選派宗支游歷各國一摺商務爲富強要圖自應及時舉辦前經該衙門議請於各省會設立商務局公舉殷實紳商派充局董詳定章程但能實力遵行自必日有起色即着各督撫率商紳認真

講求妥速籌辦總期聯絡商情上下一氣毋得虛應故事並將辦理情形迅速具奏至選派宗室王公遊歷各國亦係開通風氣因時制宜之舉著宗人府察看該王貝勒等如有留心時事志趣向上者切實保薦聽候簡派欽此

廿五日奉

上諭翰林院侍讀學士徐致靖奏保舉通達時務人材一摺工部主事康有爲刑部主事張元濟着於本月廿八日預備帶領引見湖南鹽法長寶道黃遵憲江蘇候補知府譚嗣同着該督撫送部引見廣東舉人梁啟超著總理各國事務衙門察看具奏欽此

廿七日奉

上諭王文韶著迅即來京陛見直隸總督著榮祿暫行署理欽此○同日奉 上諭嗣後在廷臣工如蒙 慈禧端佑康頤昭豫莊誠壽恭欽獻崇熙皇太后賞賜及補授文武一品及滿漢侍郎均著於具摺後恭詣 皇太后前謝恩各省將軍副都統督撫等官亦著一體具摺欽此○同日奉 上諭協辦大學士戶部尚書翁同龢近來辦事多未允協以致衆情不服屢經有人參奏且每於召對時諮詢事件任意可否喜怒見於詞色漸露攬權狂恣情性斷難勝樞機之任本應查文究辦予以重懲姑念其在毓慶宮行

走有年不忍過加嚴議翁同龢著即開缺回籍以示保全特諭欽此○同日奉 上諭
昨經降旨諭令宗人府保舉王公貝勒等選派游歷因近支王貝勒等職位較繁朕當
親行查看毋庸保舉其王公以下及閒散宗室如有志趣遠大才具優長者著宗人府
隨時保奏欽此

五月初二日奉

上諭御史曾宗彥奏農工二務亟宜振興一摺另片奏南北洋宜設立礦學學堂等語著總
理各國事務衙門一律議奏欽此○同日奉 上諭御史宋伯魯楊深秀奏禮臣守舊
紕謬阻撓新政一摺著許應騤按照所參各節明白回奏欽此

初五日奉

上諭孫家鼐著以吏部尚書協辦大學士欽此○同日奉 上諭榮祿著補授直隸總督兼
充辦理通商事務北洋大臣欽此○同日奉 上諭我朝沿宋明舊制以四書文取士
康熙年間曾經停止入股改試策論未久旋復舊制一時文運昌明儒生稽古窮經頗
能推究本原闡明義理歷科所得實不乏通經致用之才乃近來風尚日漓文體日敝
試場時藝大都循題敷衍于經義罕有發明而謬陋空疏者每得虛竿尤選若不因時

通變何以充實學而拔真才著自下科爲始鄉會試及生童歲科各試向用四書文者一律改試策論其如何分場命題考試一切詳細章程該部即妥議具奏此次特降諭旨實因時文積弊太深不得不改弦更張以破拘墟之習至士子爲學自當以四子六經爲根底策論與制義殊流同源仍不外通經史以達時務總期體用兼備人皆勉爲通儒毋得競逞博辯復蹈空言致負朝廷破格求才至意欽此

初八日奉

上諭前因蘆漢開辦鐵路設立招商公司特派盛宣懷督辦計時將及兩年所有勘路購地各事宜應已辦有端緒此項鐵路關係緊要豈容觀望遷延現在業已籌有的款著盛宣懷卽興工趕辦並將辦理情形先行具奏倘再延不開辦玩誤要工責有攸歸盛宣懷豈能當此重咎耶此外粵漢甯滬各路並著承辦各員一體迅速開辦毋得任意遲緩欽此○同日奉 上諭順天府府尹胡燏棻奏請精練陸軍並神機營改用新法操演又出使大臣伍廷芳奏京外綠營參用西法各摺片當經先後諭令軍機大臣會同督辦軍務王大臣及神機營王大臣八旗都統妥議具奏現在督辦軍務處業已裁撤所有諭令議覆各節即著軍機大臣會同神機營王大臣八旗都統迅速議奏毋得延

撥欵此

廿二日奉

上諭前經降旨開辦京師大學堂入堂肄業者由中學小學以次而升必有成效可觀惟各省中學小學尚未一律開辦總計各省省會及府廳州縣無不各有書院著該督撫飭地方官各將所屬書院坐落處所經費數目限兩個月詳查具奏即將各省府廳州縣現有之大小書院一律改爲兼習中學西學之學校至於學校等級自應以省會之大書院爲高等學郡城之書院爲中等學州縣之書院爲小學皆頒給京師大學堂章程令其仿照辦理其地方自行捐辦之義學社學等亦令一律中西兼習以廣造就至各書院需用經費如上海電報局招商局及廣東關姓規開頗有溢欵此外陋規溢費當亦不少著該督撫儘數提作各學堂經費各省紳民如能捐建學堂或廣爲勸募准各督撫按照籌捐數目酌量奏請給獎其有獨力捐鉅款者朕必予以破格之賞所有中學小學應讀之書仍遵前諭由官設書局編譯中外西書頒發遵行至於民間祠廟其有不在祀典者即著由地方官曉諭民間一律改爲學堂以節糜費而隆教育似此實力振興庶幾風氣徧開人無不學學無不實用副朝廷愛養成材至意將此通諭知

之欽此

廿五日奉

上諭前經降旨各省士民著書製器暨捐辦學堂各事給予獎勵諭令總理各國事務衙門妥議具奏茲據該王大臣等議定詳細章程開單呈覽所擬給予世職實官虛銜及許令專利頒賞匾額各節最能示獎尙屬妥協著依議行即由該衙門咨行各直省將軍督撫通飭所屬將章程出示曉諭以動觀聽而開風氣朝廷鼓勵人材不靳破格之賞仍應嚴防冒濫所有著書製器各事該衙門務當認真考驗嚴定罰懲以期無負振興庶務實事求是之主意該衙門知道單併發欽此

六月初一日奉

上諭張之洞陳寶箴奏請飭妥議科舉章程並酌改考試詩賦小楷之法一摺鄉會試改試策論前據禮部詳議分場命題各章程已依議行茲據該督等奏稱宜合科舉經濟學堂爲一事求才不厭多門而學術仍歸一是擬爲先博後約隨場去取之法將三場先後之序互易等語朕詳加批閱所奏各節剴切周詳頗中肯綮著照所擬鄉會試仍定爲三場第一場試中國史事國朝政治論五道第二場試時務策五道專問五洲各國

之政專門之藝第三場試四書義兩篇五經義一篇首場按中額十倍錄取二場三倍錄取取者始准試次場每場發榜一次三場完畢如額取中其學政歲科兩考生童亦以此例推之先試經古一場專以史論時務策命題正場試以四書五經義各一篇禮部即通行各省一體遵照朝廷於科舉一事斟酌至再不厭衆詳典試諸臣務當仰體此意精心衡校以期遴選真才至詞章楷法雖館閣撰擬應奉文字未可盡廢如需用此項人員自當先期特降諭旨考試偶一舉行不爲常例嗣後一切考試均以講求實學實政爲主不得憑楷法之優劣爲高下以勵碩學而黜浮華其未盡事宜仍著該部隨時妥酌具奏欽此

初八日奉

上諭孫家鼐奏遵議上海時務報改爲官報一摺報館之設所以明國是而達民情必須官爲倡辦該部所擬章程三條均尙周妥著照所請將時務報改爲官報派康有爲督辦其事所出之報隨時呈進其天津上海湖北廣東等處報館凡有報章均著該督撫咨送都察院及大學堂各一分撮其有關時務者由大學堂一體呈覽至各報體例自應以指陳利弊開擴見聞爲主中外時事均許據實昌言不必意存忌諱用副朝廷明目